

21 MAC 2018

Raja dadah Laos, Mr. X dipenjara seumur hidup

Raja dadah Laos, Mr. X dipenjara seumur hidup

BANGKOK – Raja dadah Laos dikenali sebagai Mr. X dipenjara seumur hidup oleh sebuah mahkamah di Bangkok semalam.

Mr. X atau nama sebenarnya Xaysana Keopimpha merupakan seorang warga Laos yang suka bermegah di media sosial mengenai hubungan dengan selebriti selain gemar menonjolkan kereta mewah miliknya.

Dia diberkas di lapangan terbang utama Bangkok tahun lalu.

Xaysana dituduh menjadi ketua sindiket penyeludupan methamphetamine yang membawa masuk bertan-tan pil 'yaba' dan methamphetamine kristal atau 'Ais' buatan Myanmar dari Laos ke Thailand.

Laluan selatan melalui Laos semakin banyak digunakan oleh sindiket penyeludupan yang mahu memasuki pasaran Thailand, Malaysia dan lebih jauh seperti Australia serta Jepun di mana harga dadah itu melambung tinggi.

Mahkamah di Bangkok itu pada awalnya menjatuhkan hukuman mati terhadap Xaysana tetapi menukarannya kepada pen-



AFP

GAMBAR fail bertarikh 18 April 2017 menunjukkan Xaysana tiba di sebuah mahkamah jenayah di Bangkok.

jara seumur hidup selepas dia mengaku bersalah atas beberapa tuduhan penyeludupan dadah, termasuk menyeludup lebih 1.2 juta pil yaba pada 2016.

"Berikutnya tertuduh mengaku salah semasa proses siasatan, maka, mahkamah ini mengurangkan hukuman terhadap kamu kepada penjara seumur hidup," kata seorang hakim Mahkamah Jenayah dalam keputusannya.

Xaysana tidak menunjukkan sebarang emosi semasa hukuman terhadapnya dibacakan. - AFP

